



Jumat, 24 Mei 2024

Ogen: Masmur 46:11



"Pengadilah Erperang"



Perang nadingken luka si mesangat, perang erbahansa sontar kerinana, perang mpeturah aru ate, perang maba kesirangen ras kade-kade bage pe teman meriah janah perang erbahansa ndele ate. Bage me buena persoalen adi terjadi peperangen i tengah-tengah geluhta. Kedamen salih jadi perjengilen, keriahen salih jadi iluh mambur, rejeki salih jadi mara, janah kerina enda erbahansa ukur serbut dengen mpeturah kebiaren erkiteken banci saja kita kena sasaren. Erpalasken masmur 46:11 "***pengadilah erperang***"; sabab dampak si terjadi adi lit perubaten-perjengilen-la siangkan sada ras sidebanna e me kearun ate. Melala si begi berita kerna peperangen antar bangsa/negara, salah sada si paksa gundari terjadi e me perang antar Rusia-Ukraina. Dampakna la terjeng man negara si erperang tapi pe erdampak man negara-negara sidebanna, khususna pe man negara Indonesia. Salah sada dampakna e me: perekonomian ras perdagangan (erkiteken perang e menurunkan ekspor nonmigas ras menghambat impor gandum) seh maka peningkaten erga-erga nandangi kebutuhan meningkat. Kai kin si erbahansa maka turah peperangen? Tentuna erkiteken keegoisen manusia, ersura-sura lako engkuasai sila jadi baginna/hakna (rangap), erpengakap maka litten kuasana asangkan kuasa kalak sideban, perbedaan kepentingan rikut pe ras pendapat ras seterusnya. Kinilangasupen lako mpeteruk pusuh erbahansa jahat sura-sura lako erkuasa. Biak-biak si bage man tadingenken tapi pe belinlah biak-biak si erkeleng ate dengen meteruk rukur.

Perang la saja terjadi antar dua negara entah dua bangsa tapi perang pe banci terjadi bas tengah-tengah keluarga ras jabu. Erkiteken perbedaan pendapat ras kepentingan turah perjengilen seh maka lanai si perkuanen sada ras sidebanna. Marilah kita kerina tetap si jaga pusuh rikut pe pengerananta gelah tetap terjalin hubungan si mehuli bas jabu ras keluarganta.

🔗 *Jaga pusuh ras pengerana gelah tetap dame bas geluh*